

Date – 28/11/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Lunglei Dist inrelbawlna kawngah Mizo Tawng thiamlo hlir an awm an ngawimawh thu an sawi hnuah an ngenna angin Sorkar chuan SP a sawn tur a sut leh.
2. Mizoram chhung tan in hrang hrang a lung in a tang thei bithliah zat aia tam tang 514 an awm mek.
3. JMM hruaitu Hemant Soren chu vawiinah Jharkhand Chief Minister atan lakluh a ni dawn.
4. Prime Minister Narendra Modia chuan ramchhung thalaite chu Viksit Bharat Young Leaders Dialogue-a hun an hman ve theih nan quiz-a tel ve turin a sawm.

<><><>

LUNGLEI DC

Mizoram Sorkar in Lunglei DC leh DIG(Southern Range) bakah Suptd of Police atan hnamdang thiau a dah chu Lunglei mipuiin an helh hle a, an ngenna siam angin Sorkar chuan a thuchhuah sut leh nghal in SP chu sawn a ni ta lo.

YMA thuchhuahin a tarlan danin Superintendent of Police tura Pu Shivam Siddarth IPS dahna Order sût a ni ta chu YMA Sub Hqrs Lunglei chuan lawmawm a ti a, SP thar tur hi an duh loh hrim hrim vang a ni lo a. District awptu atana Mizo tawng hmang theilo vek an awm hi an rawngbawlsak mipuite tana harsatna lian tak tling a, an tan pawh thil tha ber ni ah an ngaihsak lo an ti.

Lunglei YMA Sub.Hqtrs chuan nimin khan thuchhuah siamin Lunglei Dist.awp tur a hnam dang vek dah a ni chu thalo an tih thu an chhuah a. DC kalta kha sawn anih dawnin sawn lo turin Mizoram sorkar an lo ngen tawh thu leh a hlawhchham ta a ni tih sawiin DIG(S-R) nakum lawka pension tur chu sawn a ni a, a aiah hnamdang dah a ni. SP ah hnamdang bawk dah leh a ni. Lunglei Dist hi a zau in hnam hrang hrang awm khawmna a ni a, chuvangin tawng thiam lo leh dist.dinhmun hrethiam lo vek tan chuan Law & Order ah harsatna a awm thei a ni an ti a. Hei vang hian SP sawnna order hi naktuk tlai dar 4:00 hma a sut turin sorkar an ngen a, an ngenna in awmzia a neih loh chuam zau zawk a hmalak dan tur ngaihtuah a ni ang tiin thuchhuah an siam.

Nimin vek khan Lunglei District Deputy Commissioner thar Pi Navneet Mann chuan nimin khan MJA Lunglei District member-te nena inhmelhriat nana inkawmin Hriselna, zirna leh kut hnathawh lam tihhmasawn chu a ngaih pawimawh hmasak a nih tur thu sawiin, bawlhhlawh sawngbawlina chungchang leh faina lamah te pawh theih tawp chhuah a tum thu a sawi. MJA member-te chu amah bengvar a, finchhuah a, thurawn pe thin tura sawmin, an ngaihawh zawngte pawh a hnena thlen hreh lo turin a chah.

Lunglei DC Pi Navneet Mann chuan Punjab atanga lo kal a nih thu leh AGMUT Cadre IAS a in ziak tling niin tuntum hi a posting hmasaber a nih thu a sawi a, Lunglei District hmasawn nan te, mipui vantlang tan leh kut hna thawktute hmakhua ngaia theih tawp chhuah a tum thu sawiin chanchinbu mite leh mipuite thawhpaina leh tawiawmna a ngen a ni.

<><><>

CM

Chief Minister Pu Lalduhoma kaihhruaiin Boeing Foundation hotute leh Mizoram sawrkar aiawhte CM Conference Hall-ah an thukhawm a. Boeing Company CSR Mizoram tana hman dan tur an sawiho.

Chief of Staff & CSR Head, Boeing India & South Asia Pi Praveena Yagnambhat chuan Covid lai khan Aizawl, Lunglei leh Siaha a Hospital-ah an thawhpui Doctors for You te kaldangin hmanrua an pe tawh tih sawiin. Mizoramah hriselna lamah leh zirna lamah hmalakna zau zawk neih an duh a, an kal dan te rawn sawifiah pahin hma lakna tur an rawn ngaihven a ni a ti.

Meeting hian Cancer zai ngaite zaitu tur doctor thiam bik, a thlawna Aizawla rawn tirh dan tur te, ZMC a ICU hmanraw tha leh tunlai ber ber dah belh dan tur te an sawi a. A tul anga Cancer Hospital leh ZMC hmunhmate tlawh hova bawhzui ni se, an ti.

Zirna lamah hian Boeing Company hian Learning Links Foundation nen hma an la a. Education department in Tinkering Labs an kalpui mek tihchangtlun thu te, Sukanya STEM labs, Mizoram zirna in thenkhata bun ve dan tur te leh hmalak theihna remchang dang te an sawi bawk.

<><><>

PRISONERS DATA

Mizoram chung tan in hrang hrang a lung in a tang thei bithliah zat aia tam tang 514 an awm mek.

Prisons Department in Akashvani correspondent zawnha a chhan danin, tun dinhmuna state chung a lung in tang zawnng zawng zat chu 1715 an ni a, mi tangte hi Aizawl Central Jail-ah tam berin 812 an tang mek a, Champhai District Jail-in dawt lehin mi tang 161 an awm mek a ni, Mizoram chung a lung in mi tang tlem berna chu Lawngtlai District Jail niin mi tang 35 an awm mek a, Naupang kum tling lo, an nu leh pa te lung in tan avanga tan in a enkawl Aizawl Central Women Jail ah 4 leh Champhai District Jail-ah 1, a vai a belkhawmin 5 an awm mek bawk.

Lung in a tang tura bithliah zat ai a tam an tanna hmun kan correspondent hnen atangin I lo ngaithla ang.

Voice Cast : Mizoram lung in hrang hrang a tang tur zat ai a tam an tanna-ah Aizawl Central Jail a mi tang awm te chu an tam ber a, tang tur zat bithliah ai a tam 374 an awm a, hei hi Champhai District Jail chuan dawt lehin mi tang zat ai a tam 56 an awm mek a, mi tang awm tura tih ai a tam hi Aizawl Central Women Jail-ah 46 awmin Aziawl District Jail-ah 25 leh Lawngtlai District Jail-ah 13, an vaiin 514 an awm mek a ni. Mizoram chung lung in zawnng zawng a mi tang awm thei tura bithliah hi mipa 1130 leh hmeichhia 256, a vai a belkhawmin 1386 a ni .

John Vanlalchhuanga, Akashvani News Aizawl.



TOMATO FESTIVAL

KVK Khawzawl buatsaihin Neihdawn khuaa Lungding tlangah Krishi Vigyan Kendra (KVK) kum 50-na (Krishi Swarna Samriddhi) lawmnan Tomato Festival hman a ni a, Khawzawl DC Pu K. Vanlalthiana chuan a hmanpui a ni.

KVK Senior Scientist & Head Dr. Malsawmkimi chuan he hun hi a kaihruai a, Pu K. Vanlalthiana chuan kalkhawmte hnenah thusawiin Neihdawn khaw mipuite taimakna fakawm a tihthu a sawi a, tomato chin kawngah ngaihtuahna tha tak seng a eizawna tling tak an siam thei chu ropui a tih thu sawiin, taima taka thawk zela district ti hmingmawitu ni zel turin a fuih a, hun lo kal zel turah theitawp chhuaha tanpui zel a tum thu a sawi.

KVK kum 50-na lawmna pual hian Tomato thar tha inelna buatsaih niin, Pu K. Vanlalthiana'n inelna a tithate hnenah lawmman a sawm a ni.

Neihdawn khuaah hian chhungkaw 150 atangin chhungkaw 92 in Tomato an ching a, Tomato hi kumkhatah vawihnih thar theih niin, Kum 2024 chhung hian a thawhkhat nan 460 quintal thar chhuakin cheng nuai 36 an lei chhuak tawh a, a thawhhnihna ah hian quintal 2000-3000 thar chhuah inbeiseiin Rs. 40/kg anga chhutin cheng nuai 80 man lei chhuak turah beisei a ni.

He hunah hian Neihdawn khaw mipui thahnem tak an tel a, Sawrkar Department hrang hrang aiawh ten an tel pui bawk a ni.



SBI STUDENTS LOAN

Zirna sang zawk zir tura sum puk ngai zilaite tan State Bank of India chuan Education Loan cheng nuai 482 chuang a pechhuak tawh.

Akashvani Correspondent an hrilh danin State Bank of India Mizoram hotute chuan kum thum liamta atang khan Mizo zirlai lehkha zirna atan a loan mamawh-te hnenah loan an pek thin hi chhinchhiah theih chinah zirlai 62 an ni a, an vaia sum an puk zat hi cheng nuai 482 chuang a ni tawh a, hemi chungchanga report kan correspondent hnen atangin ngaithla ang.

Voice Cast : State Bank of India chuan India ram pum a zirlai an lehkha zir zelna atana sum mamawhte tan students loan an pek chhuah thin angin Mizoram-ah pawh Mizo zirlai loan mamawhte hnenah Education loan hi an pechhuak tawh a, kumin chung pawhin zirlai 11 ten loan hi la in an loan lak hi a vai a belkhawmin nuai 163 sing 9 sang 1 leh za riat a tling a ni.



AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.



JMM

JMM hruaitu Hemant Soren chu vawiinah Jharkhand Chief Minister atan lakluh a ni dawn. Governor Santosh Kumar Gangwar chuan Ranchi-a Marhabadi Maidan-ah Pu Soren-a hi Chief Minister atan a lalut dawn a ni. Pu Soren-a chuan vawiinah sawrkar thar lakluh turah hian Prime Minister Narendra Modia leh Union Home Minister Amit Shah bakah India bloc hruaitute tel tura a sawm thu a sawi a ni.

Jharkhand inthlan neih zawh takah khan INDIA bloc te hian assembly bial 81 ah seat 56 an la a. BJP kaihhruai NDA te chuan seat 24 an la thung a. Jharkhand Loktantrik Karantikari Morcha in seat khat an la bawk a ni.



VIKSIT BHARAT QUIZ

Prime Minister Narendra Modia chuan ramchhung thalaite chu Viksit Bharat Young Leaders Dialogue-a hun an hman ve theih nan quiz-a tel ve turin a sawm. Viksit Bharat Challenge hi chhawng lia intihsiak a ni dawn a. Heng chhawng hrang hrang ahte hian thalaite chu an ngaihdante thawkhawmna hun pek an ni ang. Tun thla ni 25 leh thlaleh ni 5 inkar chhungin all-India digital quiz-a bul tan a ni a. He intihsiakah hian thalai kum 15 atanga 29 chu a duh apiang tel theih a ni.



BAL VIVAH MukT BHARAT

Sawrkar laipui chuan nimin khan rampum huap naupang inneih tibo tura beihpui Bal Vivah MukT Bharat a tan. He beihpui thlak hian a tum ber chu naupang kumtinglo inneihna awmlohna ram siam a ni a. Campaign hawngtu Union Women and Child Development Minister Annpurna Devi chuan sawrkarin ramchhung district 130 chu campaign ngawrh bikna tur a thlang tawh a ti a. Naupang inneih tir chu dan kalh mai ni loin mihring mihrinnaah pawh pawikhawihna a ni a ti a. Bal Vivah MukT Bharat Campaign chu ni 10 emaw 15 chhung chauh kalpui tur ni loin India rama naupang inneihna a reh vek hma chu theihtawp chhuah tur a ni a ti.



INTERNATIONAL TRADE FAIR

India International Trade Fair vawi 43-na chu nimin khan New Delhi-a Bharat Mandapam-ah zawh a ni. Kan Correspondent sawidanin kumin International Trade Fair hi tlawhtu an tam hle a. Ni 14 chhunga an thilsiam phochhuaktu ram hrang hrang atangin mi thahnem tak an awm a. Heng zingah hian China, Egypt, Iran, South Korea, Thailand leh United Arab Emirates te an tel.

